



Broj: 02-02-4234/22  
Lukavac, 23.09.2022. godine

Na osnovu Budžeta Općine Lukavac za 2022. godinu ( „Službeni glasnik Općine Lukavac“ broj 2/22 ), odluke o izvršenju Budžeta Općine Lukavac za 2022. godinu ( „Službeni glasnik Općine Lukavac“ broj 2/22 ), Odluke o izmjeni i dopuni Odluke o izvršenju budžeta općine Lukavac za 2022.g. („Sl. Glasnik Grada Lukavac“ broj: 3/22), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. Glasnik Grada Lukavac“ broj: 1/22), i Odluke o posebnim kriterijima za subvencioniranje mjesečnih karti učenicima iz socijalno ugroženih kategorija broj 02-02-1070/22 od 15.03.2022.godine , Gradonačelnik objavljuje

**JAVNI POZIV  
za subvencioniranje mjesečnih karata učenicima  
iz socijalno ugroženih kategorija**

**I**

Objavljuje se Javni poziv za subvencioniranje mjesečnih karata učenicima iz socijalno ugroženih kategorija sa područja grada Lukavac za budžetsku 2022. godinu i to za period 01.septembar 2022. godine – 31.decembar 2022. godine u iznosu od 17.197,00 (sedamnaest hiljadastodevedesetsedam KM i 00/100 pfeninga).

**II**

Pravo na subvencioniranje mjesečnih karata imaju učenici koji ispunjavaju opće i neke od posebnih uvjeta, te ujedno uz Prijavu na Javni poziv ( šalter sala Gradske uprave Lukavac ) dužni su priložiti slijedeće dokumente :

**OPĆI UVJETI**

1. Uvjerenje od škole da je redovan učenik;
2. Kućnu listu;
3. Dokaz o mjestu prebivališta ( CIPS );
4. Uvjerenje od JU Službe za zapošljavanje Tk Tuzla – Biro Lukavac za oba roditelja , a ako su oba roditelja nezaposlena i nisu prijavljeni kod JU Službe za zapošljavanje TK Tuzla – Biro Lukavac, Uvjerenje od Biroa da se ne nalaze na evidenciji i ovjerenu Izjavu da su nazaposleni;
5. Kopiju mjesečne karte i
6. Potvrdu banke o otvorenom tekućem računu. (Ne dostavljati kopiju kartice)

**POSEBNI UVJETI**

1. Kopiju svjedočanstva/svjedodžbe o završenom prethodnom razredu;
2. Uvjerenje o pripadnosti boračkoj populaciji;
3. Uvjerenje za roditelja ili učenika da je korisnik socijalne pomoći,
4. Uvjerenje o priznavanju statusa civilne žrtve rata i
5. Dokaz da je učenik bez jednog ili bez oba roditelja. ( smrtni list )



### III

Učenici koji ispune uvjete iz člana II i blagovremeno predaju zahtjev sa potrebnim dokumentima ostvarit će pravo na subvencioniranje mjesečne karte u punom iznosu.

### IV

U slučaju da zahtjev za subvencioniranje podnese više učenika iz iste porodice, pravo na subvencioniranje ostvarit će samo jedan učenik i to onaj čija je vrijednost mjesečne karte veća.

### V

Ovaj Javni poziv će biti objavljen na web stranici Grada Lukavac i na Oglasnoj ploči Grada Lukavac ( šalter sala Gradske uprave ), i biti će otvoren 15 dana od dana objavljivanja.

### VI

Gradonačelnik će posebnim rješenjem imenovati Komisiju za provođenje postupka po javnom pozivu za subvencioniranje mjesečnih karata učenicima iz socijalno ugroženih kategorija.

### VII

Komisija za provođenje postupka po javnom pozivu za subvencioniranje mjesečnih karata učenicima iz socijalno ugroženih kategorija će nakon zaprimljenih prijava iste obraditi, sačiniti rang listu, nakon čega će se sredstva Odlukom Službe za društvene djelatnosti i upravu uz saglasnost Gradonačelnika uplatiti učenicima kojima subvencija bude odobrena.

### VIII

Prijave na Javni poziv sa potrebnom dokumentacijom slati na adresu :

Grad Lukavac-Gradonačelnik  
„Komisija za provođenje postupka po javnom pozivu za  
subvencioniranje mjesečnih karti  
učenicima iz socijalno ugroženih kategorija“  
Trg slobode br.1., 75 300 Lukavac

ili lično u šalter Sali Grada Lukavac svakim radnim danom od 07:00-15:30 sati.

POMOĆNIK GRADONAČELNIKA  
Sadija Osmanović, dipl.pravnik

GRADONAČELNIK  
dr. sc. Edin Delić

Dostaviti:

1. Služba za društvene djelatnosti i upravu,
2. Evidencija 2x,
3. Oglasna ploča 2x,
4. a/a